

313
83
Q U Æ S T I O M E D I C A .

Quodlibetariis disputationibus manè discutienda in Scholis Medicorum, die Jovis 7. Januarii.

M. JOANNE-BAPTISTA DE REVELOIS,
Doctore Medico, Præside.

An quæ primo partu Marem generant fecundiores?

FŒCUNDITATEM quâ mulier uni sæpius vivacique proli generandæ fit idonea, naturæ in deliciis esse, abundè monet ars conformandi quæ præsertim plena Deo est. Dum enim immortalitati studet, quam anxie quærit, mirum quid moliat, ut individui caducam fragilitatem compensare queat. Ubi primum itaque seu mari, seu fœminæ sua vis, organorumque configuratio satis accesserint, si adultum opus natura, ne dicam, penè noverca negligere videtur, ipsa nihilominus parentis optimæ numquam non vices agens, Epheborum proprias partes, ac præter eas succos meliores semen atque sanguinem, sed festinans in mulieribus adornat. Quamobrem in uno hoc negotio veluti tota versaretur, parùm ejus interesse diceres sexuum alterum nimîâ salacique venere minorem fieri, etiamnum-ve commori, dummodo novæ sobolis partu reviviscere durareque posset in specie; ut enim ea stabilis permansura sit, cupidinum matre, sed leni profectò opus est, quippe quæ moderata ac intermissa solum fœcundior esse soleat.

I I .

FINEM ut consequatur natura, rerum designationem & apparatus inspice. Sexuum impenditur actio, qui licet diversâ partiû compositione distent, pari tamen ætatis atque temperamenti conspiratione commendantur. An non ita satius est ætate florentes connubio jungi, quàm si

2

senex puellâ, aut quod absurdius vetula multarum nuptiarum semperque thori impatiens juveni nubat. Atenim ex sexuum affinitate, dum alius in alium fit proclivis, tertium quid prodit, quod ubi semel ab avidiori prolectatum est utero, aliquantulum servatur ad actum, si tamen robustius probæque notæ, & insuper arvum præclare temperatum nulla qualitate peccet, quæ satus deperdat. Siquidem jam illis unâ consentientibus, adest conceptionis & ab eâ circiter Animæ architectonicæ creationis momentum, maximè cum amborum laudabilis constitutio bene temperata probet primaria viscera, quorum ope ex puriori materiâ testes *ἰσχυράταροι*, tam *ἀρρενογενεῖος* dexter nec abs re, quàm *θηλυγενεῖος* sinister nec injuriâ, semen vi prolificâ donant, à quo præsertim habet mulier ut quantum sibi sterilitas dedecori vertitur, tantum eidem ornamento sit *ὀφθαλμία*, sed eo certè major, quod puber illa quamprimum matura viro collocetur, juvenis contra crudior etiamnum & inhabilis diu servatus expectet, tamen si tardius & senex generat.

III.

ANIMA sui domicilii fabricæ quamrúmvis necessariò præsit, cave ne putes illam moliri quidpiam seorsum ab organis, quibus servire debet etiam ut ratio cinetur. At quantò majori jure, si conformatricis officio fungitur, quæ licet in indigestâ mole prorsus immersa videatur, attamen ex selectâ ejus portione subjectam rudius delineare materiam atque fingere, tum verò promere simul ac omnes ad unam particulas ornare non cessat, quæ juxta convectas similium partium in seminariis imagines, vel principem sexum ex masculeâ foris, aut secundarium ex fœmineâ semente intus exhibituræ sint. Quod dum fit si sexuum alter patris effigiem, quod amat fieri, vel matris vultum potius refert, aut quemdam in

determinatâ parte nævum repræsentat, hoc efficax imaginatio, illud autem ad exemplarium fidem, si suo natura juverit organo, facultas effingens potissimum assequatur, atque perficiat.

IV.

CALOR qui cuncta nutu moderatur, dum se ipso vegetior factus, suâ sponte foras prodit, & pedem effert, is delatam secum, aut velut è centro communi evocatam conformatricem protinus invitat ad marem describendum, quemadmodum eadem vis, si præ languore, aut ejusdem organi pigritie quâdam conclusa sit, fœminam mox sed intus figurat. Quapropter mas à primâ origine firmi caloris conscius & testis, celerius in utero motus, nec non ad diffindendos opportunè carceres suos semper alacrior, principiorum quibus constat, unâque viscerum unde manant, firmitatem sic commonstrat, ut eorum quæ invicem tam arctè conspirant, altero malè morato quidpiam ad unguem elaboratum prodire non possit. Sic itaque ex laudabili chylo melior editus sanguis integerrimum de se semem proferet; argumento certè robustiorem ventriculum, eique muneris ordine subjectas partes alias probè jam constitutas, suam simul ac semel testibus symbolam contulisse, ut probum semen fuscipiant, quod prolificum perinde mulier gignit, nullâ re majoris momenti viro inferior, imo cui contumeliosus est, quisquis monstrum esse malit, quàm inter Heroas illam aliquando computare.

V.

QUID ergo? Licet ex æquo sexus affectet natura, nec usquam à fine declinet, dum fœminam generat, attamen matri primo partu marem enixæ fœcunditatem omnis benè ominetur. Siquidem mas turgentis calore feminis propagatio est, semenque ipsum merus propriisque

in locis primùm excoctus, tumque concurrentis undelibet spiritus motione multâ spumans dealbatusque sanguis est. Jam verò num qui ex nutritione superstes feminum fit materia, is ipse hæmatopoeticôn viscerum domesticum est opus, ad quod perinde nec secus absolvendum pro sua quæque naturâ, robore inquam seu crassi, ac formâ definiuntur. Atque tunc ubi primùm fervent operæ, ex præcipuis, probèque se habentibus officinis, quod uniuscujusque fuerit perfectissimum opus, sanguis nimirum ex hepate & corde, spiritus insuper è cerebro, ac semen à solis testibus emanat, tum demum tot ex fontibus, quemadmodum variis aquarum inductionibus terris ubertas datur, ipsa mox bonorum parens, arvo bellè comparato, fecunditas in sexum prorumpit, quæ communibus cum vitâ atque diuturnioris ævi sanitate fundamentis innixa, per longam nepotum seriem, speciei perpetuitatem, quæ naturæ votum est, atque per renovatos stemmatum splendidiore gradus, ipsi generi, nominis, in quod laborant, immortalitatem afferat, siquidem quæ crebrò prægnans futura est, facile concipit, atque sana est.

Igitur quæ primo partu Marem generant fecundiores.

Domini Doctores Disputaturi.

M. Michaël de Hodencq.
M. Pontius Maurin.
M. Joannes-Baptista Ferrand.

M. Carolus Marteau.
M. Antonius le Moine, Chirurgia Professor.
M. Guido-Crescentius Fagon,
Regina Francorum Medicus
primarius.

M. Franciscus Séraud.
M. Nicolaus Rainfant, pharmacie Professor.
M. Petrus Pourret, unius
Regis Medicus orationis
rarius, & pharmacie Professor.

Proponebat Lutetiæ BERTINUS-SIMON DIEUXIVOYE,
Parisinus, Baccalaureus Medicus. A. R. S. H. 1683.

Apud Franciscum Muguer, Regis & Facultatis Medicinæ Typographum.